

四庫全書

子部

欽定四庫全書

子部

古今姓氏書辨證卷二十六至二十九

詳校官中書臣沈鳳輝

侍讀臣孫球覆勘

謄錄監生臣徐元秀

謄錄監生臣馮克單

欽定四庫全書

古今姓氏書辨證卷二十六

宋

鄧名世撰

三十二皓

皦

蜀錄有皦氏出武落鍾離山黑穴中

浩

出自六國時浩生不害之後

抱

漢末有抱羌避董卓亂改姓抱北史有抱疑抱老壽
皆其後姓纂以抱為把未知孰是

老

左氏注云老佐戴公之子誤矣佐去戴公甚久非其
子也

道

左傳楚大夫道朔其先以國為氏謹按春秋齊桓公
行霸有江黃道柏四國附之漢地理志有安陽縣應

劬曰道國也今道亭是又顏師古注漢地理志汝南郡應劭曰陽安縣道國也弋陽黃國也今黃城是西平柏子國也今柏亭是安陽故江國也今江亭是

稻

謹按周官稻人掌稼下地者必以官氏

考

名世曰今汴都開封人有此姓

棗

晉幽州刺史王浚壻棗嵩人呼為棗郎唐藝文志有
棗據集二卷棗嵩集二卷棗映集二卷

毋

音好未詳

案毋乃古文好字廣韻集韻俱不言人姓
正字通曰俞字變體為毋俞姓雖有表見

者然一音丑一音好聲亦不類今案字典有毋字女
久切音紐姓也高麗人有之毋疑即毋氏之訛然廣
韻載毋而無紐
今仍其舊云

吳英

古天子吳英氏之後

浩生

元和姓纂曰以浩生不害為複姓浩生氏

浩羊

風俗通齊大夫浩羊氏名嘉

考城

元和姓纂曰老城氏或為考城氏今詳濟陽考城得
非以城為氏者或去土為成乎

老陽

周大夫老陽子之後

老萊

元和姓纂曰老萊子古賢人著書

三十三哥

我

漢藝文志有我子一篇劉向云為墨子之學

可

河南可氏後魏阿伏干可地干氏並改為可氏北史

可悉陵年十七從太武獵空手搏猛獸以獻後封暨
陽子

要

姓書皆音烏可切姓纂無此氏謹按莊子有要荷世
乃寓言非人姓姓纂削之是也

左

後漢鄧禹以左于爲軍師又左雄南陽溫人晉羅尚
牙門將左汜後秦征東府寮左雅

可單

後魏可單氏後改為河南單氏音單

可頻

後周書王雄之太原人或曰代人涇州總管庸國公

西魏賜姓可頻氏生諫

案後周書王雄本傳雄單名無之字生子諫此作諫亦悞

周益州總管唐建中時有藍田尉可頻瑜

可達

世為武昌人隨魏南徙後魏司徒可達安

可悉

後魏都幢將暨陽子可悉陵

左丘

臨川季瑞卿言蜀人有賣卜者左丘氏自云左丘明
之後又嘗見御史姓左者問其先丘明家乎御史曰
左與左丘本自兩氏因知蜀卜者果不妄姓書未有
此氏今增入

左師

出自子姓宋公子魚世為左師以官為氏

左史

元和姓纂曰古者左史記言因氏焉楚有左史倚相
後以官為氏

左行

春秋晉文公時先蔑將左行後以為氏漢有御史左
行恢

左公

邵氏姓解曰左氏衛左公子洩誤矣左公子衛官洩
其名後世或有左公氏亦非必洩後也

可地延

後魏可地延氏後改為河南延氏

可朱渾

後魏并州刺史可朱渾買奴孝文時改為朱氏望出
河南

可足渾

後燕以新平公可足渾潭為車騎大將軍尚書令

三十四果

瑣

唐史奚傳云開元二十年奚酋長李詩瑣高等以部落五千人降史思明傳云思明初走奚詭稱使者將還奚王令百人從入朝奚有部落瓚高者名聞國中思欲禽以贖罪誅王曰從我者雖多無足與見天子者唯高材可與至中國王悅命將帳下三百與俱既

至平盧殺其兵囚高以獻今詳瑣乃高之氏合增入

火拔

唐哥舒翰守潼關蕃將火拔歸仁以本軍隸麾下及

潼關失守歸仁執翰以降賊

火尋

唐西域傳康居九姓一曰火尋

頗超

唐時党項以姓別為部有頗超氏事具去聲六至利

字

三十五馬

馬

出自嬴姓伯益之後趙王子趙奢為惠文王將有功
賜爵為馬服君馬服者言能服馭馬也奢生牧亦為
趙將子孫以馬服為氏世居邯鄲秦滅趙牧子興徙
咸陽秦封武安侯三子珪琛嵩嵩生述字正惠漢太子
傅平通侯生權為寧東將軍三子何羅通倫通字達

黃門侍郎重合侯坐何羅反徙扶風茂陵成帷里生
賓議郎繡衣使者三子慶昌襄昌生仲元武司馬四
子況余援員援伏波將軍也余字聖柳中壘校尉揚
州牧二子嚴敷嚴後漢將作大匠七子固伉歆鮪融
留續融字季長二女論芝皆有才藝歆十一世孫默
生岫默後魏雍州侍中生思歡岫字子岳生喬卿梁
襄州主簿喬卿生君才右武衛大將軍南陽公生萬
歲令珉均州刺史懿珉生季龍嵐州刺史大同使三

子炬炫燧燧字洵美相唐德宗位司徒生太僕少卿
彙少府監暢彙生赦敷皆參軍暢生繼祖殿中少監
扶風馬氏唐有曠生植字存之相宣宗生郁郁生
儔字後已博州茌平馬氏齊有茌平令暹因官居
焉暹生周相太宗生恂載尚書左丞吏部侍郎生觀
覲覲吏部郎中生元振元極恂河南尹丹州刺史又
後漢騎都尉賢擊零昌有功封都鄉侯賢孫光以賢
及二子死羌兵封舞陽亭侯又張掖太守續領護羌

校尉又護羌從事元後蜀李壽以馬當為股肱坐勸
立太弟夷三族後涼呂光有中田校尉馬邃又門下
侍郎馬權以讒被誅南涼馬輔為中州之令族北燕
有吏部尚書廣宗公馬弗勤

賈

出自姬姓晉唐叔虞少子公明周康王封之於賈為
附庸謂之賈伯河東臨汾縣賈鄉即其地也曲沃武
公取晉并賈國以其子孫為大夫其族仕諸侯者陳

有賈獲齊有賈寅至漢長沙王太傅賈誼洛陽人生
璠尚書中兵郎二子嘉憚嘉宜春太守最好學有名
生賈游擊將軍五子洪潤汭湘注汭輕騎將軍生暕
下邳太守二子冰淵冰遼東太守三子納邠丕丕生

沂

案唐世系表沂作昕

秘書監二子廷玉秀玉武威太守

肅侯生機駙馬都尉關內侯

案唐世系表秀玉武威太守生衍兗州刺史衍

生龔輕騎將軍徙居武威二子綵調調後魏太尉肅侯生璣駙馬都尉此作秀玉生機中有脫誤

又

徙長樂二子通延通車騎大將軍三子仲安仲謀仲

遠仲遠穎川

太守生足字彥度輕車將軍雍州刺史

酒泉郡公

二子又康康秘書監二子錯鈞鈞生弼散

騎侍郎二子

躬之匪之躬之四子希鑑希遠希逸希

叟希鑑生

稅義興太守稅生執梁太府卿精世譜學

撰姓氏英

賢傳二子暹肇肇二子震宏宏後梁中軍

長史生

勰北齊青兗二州刺史河東公二子皞皞

殿中少監

三子懿懿憲憲字元楷後周秘書監葛榮

之難避地

浮陽生處靜處澄處靜生敬言滑州刺史

敬言生令思禮部員外郎令思曾孫眺字敦詩相唐

德宗

案唐世系表敬言子遠則遠則生知義知義生元琰元琰生眺相德宗據此則眺乃敬言之元

孫遠則之曾孫此作令思曾孫與唐表不合

子孫居樂陵又樂陵賈氏有

至曾父子世掌誥命至在先天時草睿宗傳位詔曾

又草明皇冊肅宗詔天子美之曾為黃門侍郎平陽

公至為黃門侍郎晉國公至生係衡州刺史係生種

司門員外郎種生昶太子司議郎昶生琛河南密令

琛生翊常州刺史兼鹽鐵使江淮留後翊生潭字孟

澤南唐檢校司徒泰州刺史洛陽宣子三子彬穆修
彬為朝散大夫大理司直穆為泰州司倉參軍 河

南賈氏世居姑臧胄生寧寧生餗字子美相文宗後
漢侍御史賈昌使日南北地太守賈福擊羌不利西
京雜記戚夫人侍兒賈佩蘭言宮中事甚詳晉東夷
護督賈沈迎立扶餘王子卒復其國後涼呂光討西
域以武威太守賈虔為軍佐後燕慕容永將賈韜後
秦章武太守賈堅

夏

姓書皆曰姒姓夏王之後誤矣夏非國氏與齊秦正
同謹按春秋出自媯姓陳宣公庶子西字子夏別其
族為少西氏生御叔御叔娶鄭宣公子貉之妹生徵
舒字子南始以王父字為夏氏而其母謂之夏姬魯
宣公九年徵舒弑靈公十一年楚莊王討夏氏亂轅
徵舒於栗門因滅陳為縣感申叔時諫乃復封之鄉
取一人以歸謂之夏州而徵舒三世孫夏鬻四世孫

夏區夫皆仕陳為大夫裔孫夏之禦寇亦仕齊為大夫漢有司徒夏勤後漢交趾太守夏方九江人降蠻有功晉有會稽人夏統字仲御唐大歷中有太常博士夏珪堂後官嘉州長史夏德崇

堵

出自鄭大夫食邑於堵因以為氏鄭文公時有堵叔為政謂之三良又有堵俞彌堵女父堵狗皆為鄭臣春秋音義音者正合入此韻

冶

其先周官冶氏掌為兵器以世官為氏衛大夫冶廐
魯大夫冶區夫

假

見姓苑漢有陳留假倉字子驕治尚書受學於平陵
張山拊官至膠東相騎都尉尚書有假氏學

也

蕃姓今秦隴間有之望出趙郡

馬適

漢功臣表有畢侯馬適育又昭紀元鳳元年武都氏人反遣執金吾馬適建擊之注云姓馬適名建然則建必育之後也

馬矢

後漢二十八將有馬宮本姓馬矢氏後改為馬氏

馬服

出自趙奢封馬服君子孫氏馬後漢注曰馬服者言

能服馭馬也

馬師

出自姬姓鄭穆公曾孫羽頡為鄭馬師始以官氏謂之馬師頡

野利

唐党項傳慶州有破丑氏族三野利氏族五把利氏族一與吐蕃姻援擾遘十年代宗用郭子儀計遣使招慰於是破丑野利把利三部皆入朝芳池州野利

部並徙綏延州大厯末野利禿羅都與吐蕃叛子儀
擊斬之而野利景庭野利剛以其部入附雞子川又
有六州部落曰野利越詩其後世事夏國李元昊將
野利遇乞善用兵元昊分山界戰士之半付之中國
尤苦邊患慶厯中种世衡用間殺遇乞元昊遂衰

野詩

唐鳳翔將野詩良輔以名雄邊朝廷遣使至吐蕃虜
輒言唐家稱和好豈妄邪不爾安得任良輔為隴州

刺史

野頭

宇文士及之先姓野頭氏後改賜焉

野辭

唐時党項以姓別為部有野辭氏

蛇啞

一作野啞後魏虜姓

者舌

世本曰康居國人朝後魏因留中國

賈孫

姓苑曰衛有王孫賈出自周王之後其孫自以去王室遠改為賈孫氏漢侍中有賈孫強

夏侯

漢太僕汝陰侯嬰裔孫唐駕部郎中審封生孜字好學相宣宗懿宗又漢太子太傅勝家居長安號長安夏侯氏南史夏侯亶夏侯夔繼為豫州刺史並有恩

惠於鄉里百姓歌曰我之有州頗得夏侯前兄後弟
布政優優

夏父

出自曹姓邾婁顏公之子曰夏父與魯孝公同時以
國授其弟盱盱請分國而治則六分之而受其一國
人稱焉其後以王父字為氏魯文公時有夏父展宋
有大夫夏父祉

夏丁

出自衛大夫太叔悼子之甥曰夏戊其祖字丁以王
父字為夏丁氏戊生期為衛司徒

夏陽

晉大夫夏陽說其先以所食邑為氏

夏里

元和姓纂曰漢四皓夏里黃公河內軹人

社南

姓苑云扶風安陵有社南氏社北氏風俗通曰齊昌

徙居社南因以為氏

社北

風俗通曰齊昌徙居社南因以為氏又有居社北者
亦以為氏漢高陽娶扶風社北氏女

欽定四庫全書

古今姓氏書辨證卷二十七 宋 鄧名世 撰

三十六養

養

楚大夫食邑於養因以為氏

蔣

周公第三子伯齡封蔣子孫氏焉因在汝南期思縣
宋改為樂安漢有蔣詡蔣郎 樂安今光州僊居縣

也宋有蔣恭義興詔十代孫休自樂安徙義興陽

羨縣十一代孫元遜陳左衛將軍堂姪曾孫儼唐蒲

州刺史生安遇郢州刺史儼再從姪岑膳部員外司

農少卿生晁蕙御史岑堂弟勵已生至著作郎儼五

從

案五從下有脫字

挺主爵郎中國子司業生冽潁深冽尚

書左丞生先諫光祿少卿鎮工部侍郎潁禮部尚書

東都留守生鉢

案唐世系表將明父瓌此作鉢不符

起居舍人國子司

業生將明生又太常少卿並元遜之族也又生係伸

佶偕係檢校左僕射興元節度中書侍郎華州刺史

案唐史仲相懿宗此中書侍郎上疑脫去仲字

生泳佶國子祭酒東萊膠

東狀稱魏太尉蔣濟之後唐吏部侍郎大理卿蔣欽

緒生洩演漾溢溶沆清洩鳳州刺史生都郁邵演兵

部員外生邗鄴邗殿中丞御史鄴大理評事漾咸陽

令溢長安丞生邳邨溶奉先令安州刺史生邨沆刑

部侍郎大理卿生邳魚監察御史清鞏縣尉兄子邨

繼施州刺史緒堂姪溥

鞅

出晉卿趙鞅之後

彊

彊氏依千姓編移入上聲

罔

宋景德四年西夏趙德明母罔氏卒起復鎮軍大將軍十月葬罔氏命閤門祇候袁禹為弔祭使

放

上聲

尚書堯臣放齊之後

驃

姓苑曰呼朗切今涇州有之

滿

爐黨切今辰沅州蠻種有此氏謂之滿溪蠻

養由

元和姓纂曰楚養由基之後謹按春秋楚人謂由基為養叔蓋單姓養氏豈後人別為複姓乎

長孫

出自拓跋氏鬱律生二子長曰沙莫雄次曰什翼健
什翼健即魏道武皇帝祖也後魏法七分其國人以
兄弟分統之沙莫雄為南部大人後改名仁為拓拔
氏生嵩太尉柱國大將軍北平宣王道武以嵩宗室
之長改為長孫氏至孝文以獻帝長兄為紇骨氏次
兄普氏為周氏又次兄為達奚氏又次兄為伊婁氏
又次兄敦丘氏

案魏志作丘敦氏此悞

為丘氏又次兄侯氏為

万俟氏

案魏志侯氏後改為亥氏此不合

叔父之後乙旃氏為叔孫

氏疏屬車焜氏為車氏是為十姓太和中詔自代北

而徙者皆為洛陽河南人嵩三子泰同敦泰征南將

軍都督中外諸軍事生大將軍延年延年生陝州刺史

鄆國公儉儉生相州刺史昌寧侯平二子道生道開道

生太尉上黨靖王三子旃

案魏書旃作抗此作旃與唐世系表及元和姓纂同

唯與本傳不合

太一德一旃司空上黨康王生觀司徒上黨

定王生稚澄稚字幼卿西魏尚書令太師上黨文宣

王二子子裕子彥子裕右武衛將軍平原公二子紹

遠兕紹遠字師西魏大司空河中獻公

案魏書推凡五子子彥子

裕紹遠士亮季亮以紹遠為子裕子與唐書長孫皇后傳及世系表俱同惟與本傳不合

生覽字

休因後周大司徒薛公姓書曰稚為太師孫紹遠為

大司空遠子覽為大司徒三世三公覽生洪寬龔操

操唐金部郎中樂壽安男生憲詛鑒詮尚衣奉御

駙馬都尉少卿平安男熾隋戶部尚書饒陽公晟字

季成隋淮陽太守齊獻公五子無乃唐左監門衛將

軍清都郡公無傲昌寧郡公無憲兵部尚書薛國公
無忌字輔機相太宗高宗太尉趙國公無逸雲麾將
軍郕縣公無忌十二子冲秘書監駙馬渙鴻臚少卿
上黨郡公濬常州刺史安康伯淹長水令安城縣公
溫尚衣直長澹太子洗馬淨尚衣奉御淑成州刺史
津尚衣奉御澤左千牛衛長史潤太常少卿金城縣
子冲生延通事舍人延生宣州刺史元翼元翼生寧
州刺史陳留縣公訓訓生福昌尉釗釗生三子守正

守英守廉守正鴻臚卿生全緒寧州刺史全緒生燧
涇原營田判官試太子通事舍人慥邠州刺史燧生
紹先恭先孝先雅先慥先生凝沍

爽鳩

元和姓纂曰少皞氏司寇曰爽鳩氏封為諸侯居齊
地以地為氏

三十七蕩

蕩

出自子姓宋桓公御說生公子蕩蕩生公孫壽壽生
意諸世為司城意諸以王父字為蕩氏其後有蕩氏
為宋大夫而魯女伯姬嫁為蕩氏婦

盪

集韻曰人姓音儻

莽

前漢反者馬何羅後漢明德馬后耻與同宗改為莽
氏

党

音黨

後秦將軍党刪又姚興將党志隆以東鄉降大夏赫連勃勃用為光祿勳

廣武

出自趙廣武君李左車之後氏焉廣韻曰何氏姓苑陳餘封廣武君後為氏誤餘乃成安君以不用廣武君計敗死泚水之上韓信得廣武君而師事之

三十八梗

丙

齊大夫邴歆後去邑為丙氏又李陵裔孫自匈奴歸
魏見於丙殿賜姓丙氏

邴

出自齊大夫食采於邴以邑為氏春秋時有邴歆邴
夏邴師邴意茲其族仕晉者曰邴豫邴師仕魯者有
邴洩元和姓纂以為晉邴豫食采而得氏廣韻以邴
音柄而引去聲皆誤矣

景

出自姜姓齊景公之後以謚為氏景丑景春皆其裔也戰國時景氏世為楚相景翠景鯉景舍尤其顯者後有景差能賦或云楚之公族別為景氏漢高紀東陽人立景駒為楚王文穎注曰楚族景氏駒名高帝九年徙齊楚大族景氏昭氏屈氏田氏懷氏五姓關中與利田宅好時華陽諸景是也後漢大將軍櫟陽侯景丹居馮翊櫟陽侍郎景勃居蜀郡後漢廣漢人

景毅為越雋太守有仁恩南涼有太史令安亭侯保

省

左傳宋大夫有省臧

杏

出姓苑

梗

晉大夫食采梗陽其後氏焉

郤意

元和姓纂曰齊大夫邴意茲之後望出千乘博昌

三十九耿

耿

出自姬姓侯伯之國其地平陽皮氏縣東南耿鄉是

也商王祖乙嘗圮于耿即其所都春秋魯閔公二年

晉獻公滅耿以封趙夙耿國子孫奔楚為大夫以國

為氏耿之不比是也

案晉獻公滅耿傳在閔公元年非二年也且莊公二十八年荆

伐鄭傳已有耿之不比為旆語是不比之仕楚在滅耿之先矣今觀此文義似不比于滅耿之後然後奔

楚為大夫後漢遼東太守耿夔斬句驪渠歸功曹耿
疑屬附會

耗戰沒元菟太守耿臨破句驪又謁者耿潭破羌京
兆虎牙都尉溥漢陽太守种受羌降騎都尉秋擊羌
東觀記嵩履清高之節藺童介然特立不隨俗漢

鉅鹿耿氏武帝時以吏二千石徙扶風茂陵上谷太
守牟平烈侯況字俠游六子弇舒國廣舉霸弇字伯
昭建威大將軍好時愍侯子忠騎都尉忠子馮馮子
侍中良一名無禁良子協皆嗣侯舒伏胡將軍牟平

侯生襲襲生大將軍竇皆嗣侯竇生侍中牟平侯箕
陽亭侯常竇弟子承羽林郎將林慮侯霸隃麋侯生
文金文金生喜喜生顯為羽林左監顯生河陽太守
援皆嗣侯援字伯緒其孫宏猶襲爵廣舉皆中郎將
國字叔慮大司馬二子秉夔秉字伯初光祿勳美陽
威侯子漢陽太守沖嗣秉魯孫紀為少府夔字定公
度遼將軍粟邑侯中郎將廣字恭字伯崇長水校尉
子溥京兆虎牙都尉生宏字季遇度遼將軍耿氏自

中興已後迄建安之末大將軍二人將軍九人卿十
三人尚公主三人列侯十九人中郎將護羌校尉刺
史二千石數十百人蓋典漢興衰云 東郡太守東

光成侯純父鉅鹿宋子人父為王莽濟平尹生東郡
太守東光成侯純字伯山子莒鄉侯阜生盱及騰並
封高亭侯騰子忠忠孫緒皆嗣侯純三弟植輔威將
軍武邑侯宿代郡太守遂鄉侯諷赤眉將軍著武侯
凡宗族封列侯者四人關內侯三人為二千石者九

人唐大歷拾遺耿津徙居河東江淮異人錄有女冠
耿先生善黃白術事南唐晉有成都內史耿滕後涼
軍司馬耿稚

幸

後漢幸子豹破蠻以功為朱崖太守晉方技傳幸靈
唐幸南容並洪州人望出南昌

四十靜

穎

謹案穎鄭地也鄭大夫考叔為穎谷封人因以為氏
後漢陳留長安人穎容字子嚴撰春秋釋例至今望
出陳留宋著作佐郎穎贄策中賢良方正科遷太子
中允

領

程氏世譜宋新安郡丞艾亭侯程法曉娶吳郡領氏
謹案領氏未詳所出

井

虞大夫食邑於井謂之井伯後為氏漢扶風郿人井
丹字大春以文學知名所謂五經紛綸井大春者廣
韻以井氏為姜子牙之後未知何據後涼有臨松令
井祥

省

出姓苑

涓

左傳齊大夫涓竈之後

井強六斤

代北四字姓

四十一迴

冷

顏師古曰音零漢功臣下相莊侯冷耳以拒黥布功
侯子順嗣元康四年詔復耳玄孫長安公士安家元
帝功臣駟望侯冷廣望出河內者又淮南冷封字次
君傳公羊顏氏學自名其家官至淄川太守急就章

漢有冷幼功河內人後漢護羌校尉冷徹

欽定四庫全書

古今姓氏書辯證卷二十八

宋鄧名世撰

四十三等

鄒

穆天子傳鄒伯縈之後鄒國在虞芮之間

四十四有

友

梁冀美人友通期謹按此舊書未有豈吳氏誤以友

為支識者更詳辨之

案東觀漢記友通
期一作走通期

柳

柳謹按禮記衛太史柳莊衛君稱為社稷之臣又衛人柳若問子思為出母服自為展禽之後

鈕

東晉有吳興鈕滔宋開封鈕氏太理寺丞約生裴建中裴宣德郎生定國生昌言政和五年上舍建中左班殿直生太常博士華國

各音久

百濟人姓

醜

後漢袁紹傳有醜良

舅

晉大夫狐偃字子犯文公重耳之舅子孫或氏焉

曰

春秋時宋華氏家臣曰任之後

有扈

史記曰禹之先姁姓其後分封以國為氏故有有扈

氏

有巢

古帝者有巢氏後

有窮

謹按春秋傳昔夏之後后羿自鉏遷於窮石號有窮

氏子孫或以為姓

有男

史記曰禹之先姁姓其後分封以國為姓故有有男氏

有馬

夏諸侯以國為氏少康之臣靡嘗奔馬自其國收三國之燼以滅寒浞

有偃

元和姓纂曰皋陶偃姓之後有偃子皋為晉士官

右師

謹按後漢包咸師事博士右師細君則右師氏宜收而姓書未有今增入春秋時宋有左師右師皆國相而華元為右師以官為氏細君蓋其後也

右宰

謹按春秋衛國之官有右宰其世官者氏焉衛大夫右宰醜蒞殺州吁其孫右宰穀自言狐裘羔袖者

右公

衛右公子職之後以官為右公氏

右行

姓解曰晉賈華為右行其後氏焉漢有御史中丞右行綽謹按春秋賈華者晉太子申生之屬七輿大夫也其後晉文公作三行以禦戎屠擊將右行亦或為氏晉大夫右行詭右行辛皆以氏見者也邵氏惟此一說稍有據今兩存之

右扈

出姓苑

醜門

西秦錄有下將軍醜門弟子

曰季

元和姓纂曰齊公子曰季宣孟誤矣謹按二人春秋時皆晉大夫曰季胥臣也宣孟趙盾也胥臣字季食邑於曰謂之曰季為晉司空謂之司空季子詳此即世有曰季氏必胥臣之後為氏然未必有也

壽西

謹按漢紀昭帝元鳳元年冬十月詔曰燕王遣壽西
長孫縱之等賂遺長公主丁外人云云蘓林曰壽西
姓也長名也孫姓縱之名未知林果何據如無所據
必孫縱之為壽西長或壽西人姓長孫名縱之者也
案長孫之氏後魏獻帝時以拓跋氏改焉始
有此氏漢時不應有此名世此案似未可據

受酉

姓解曰後魏書有受酉氏

四十五厚

厚

出自姬姓魯孝公八世孫瘠食采於厚謂之厚成叔
因氏焉厚與郈通

後

五代漢隱帝嬖臣後贊今夷門多此姓

斜音斗

音天口切

案通鑑斜他口徒口切十國紀年
吳越有斜滔急就篇斜氏見姓苑

苟

出自黃帝子得姓者十四人其一曰苟

案顏師古注苟氏一曰本

晉大夫苟氏之後
避難改為苟氏

戰國時苟變可將五百乘子思薦

於衛侯秦州刺史苟池望出隴西後魏代北若干氏
改為苟氏望出河南近世有避廟諱從其偏旁為苟
氏誤矣廟諱偏旁乃苟氏紀力反乃轉為苟且之苟
於姓氏本源失之愈遠程氏世譜云以河內地方多
苟杞氏曰苟誤矣胥臣無是語也

郈

郈於春秋為魯叔孫氏邑陪臣食焉者為氏郈成叔瘠郈魴假是也

后

出自共工氏之子曰句龍為后土自三代以來祀為社神子孫以后為氏越大夫后庸孔子弟子后處字子里

厚丘

出姓苑

牡丘

姓苑有鉅鹿太守牡丘勝謹按其先食邑牡丘故以
為氏

四十七寢

沈

古字作𡵓出自姬姓春秋魯成公八年為晉所滅

左案

傳定公四年蔡公孫姓帥師滅沈以沈子嘉歸傳稱
晉使滅之則事在定公四年此作成公八年為晉所

臧於傳
無徵

沈子逞字循之奔楚遂為沈氏生嘉字惟良

二子尹丙尹戊字仲達隱於靈山為楚左司馬

生諸梁字子高及後臧子高亦為左司馬食采於葉

號葉公生二子尹射尹文尹射字修文為楚令尹旬

日亡去隱於華山二子尹朱尹赤尹赤字明禪生郢

郢字文明召為丞相不就生平字俊之封竹邑侯生

遂字佐時秦博士生綜字文甫左庶長竹邑侯生遵

字伯吾漢齊王太傅敷德侯徙居九江壽春二子盛

達達字伯宏驃騎將軍生乾字仲元尚書令生承承

字元良南陽太守彭城侯生助

案唐世系表承作泓助作勗

字子

衡揚武校尉鎮軍三子嵩奮奉奮字仲異御史中丞

生格字仲悌將作大匠格生謙字文恭御史中丞謙

生靜字文光濟陰太守避王莽之亂隱居桐柏三子

勲戎臺戎字威卿後漢光祿勲以九江從事說降劇

賊尹良漢光武封為海昏侯辭不就因避地徙居會

稽烏程縣之餘不鄉遂家焉順帝永建元年分會稽

為吳郡靈帝初平五年分烏程為永安縣孫皓寶鼎
二年分吳郡為吳興郡晉太康三年改永安為武康
即為郡人戎四子鄴懿齊恭鄴字聖通零陵太守四
子許仲高景景河間相生彥彥裔孫君亮相武后其
曾孫超生嵩字文甫

暉

音審

後漢武落山黑穴中出四姓暉氏相氏樊氏鄭氏事
見巴氏說

廩丘

齊大夫廩丘子其先以所食邑為氏英賢傳齊有隱者廩丘充

四十八感

禪

出姓苑

譚

徒感切姓苑曰吳人

湍

奴感乃感二切水經曰湍水出西河美稷縣東南流
東觀記羌人因水以氏之漢冲帝時羌湍狐奴歸化
盖其渠帥也潘安仁關中詩曰虛囁湍德德乃狐奴
之後

咎

子感切

晉載記李驤子壽追尊母咎氏為皇太后又有前將
軍咎堅即后族也後魏官氏志代北複姓外盧氏改

為胥氏望出太原及彭城吐蕃大酋胥播武后長壽
元年四月吐蕃別部酋長胥播帥羌蠻八百餘人內
附宋博州高唐胥氏居潤宣徽北院使東京副留守
判開封府檢校太尉左領軍衛上將軍義成軍節度
使贈太師有傳生惟質至內園使惟質孫建中三班
借職居潤弟居濟水部員外郎

月

都感切

姓苑有月氏

四十九改

覽

徒感切前秦錄有將軍噉鐵噉與啖通

案文與標題不相蒙疑有

錯簡噉

亦重出

攬

余靖安道作屯田郎中黃府君碑云母攬氏累封真陽曲江南陽縣太君謹按姓書未有此氏今增入

啖

舊姓書音上聲集韻音淡今從集韻秦王苻堅有秦
州刺史啖鐵本武都氏又氏啖青廢枹罕帥衛平迎
立苻登者乃鐵之祖也唐潤州丹陽簿啖助治春秋
謂之啖先生大厯中水部郎中啖彥珍河東人

五十琰

冉

元和姓纂曰大夫叔山冉之後按此本無明據而周
文王子封於聃太史公省聃為冉則冉出於聃最為

有理今宜曰魯國冉氏出自姬姓周文王子聃季載以國為氏後人去耳為冉氏春秋時冉為魯大夫唐初有開州首領冉肇則又有夔州首領冉種

染

按史記染姓亦作冉字畫之變也

奄

風俗通周成王既伐奄其子孫以國為氏元和姓纂曰秦大夫奄息誤矣息姓子車氏

貧

音閔蕃姓也今詳三姓止當為一姓以傳寫字畫之

誤遂成三字

按此所云三姓未明著其文應有脫誤考廣韻集韻蕃姓有負貧二姓又佩鱗

集貧姓也並失冉切音閔本文所云三姓當指此三字或以形似而訛也

多姐

漢馮奉世傳永光三年秋隴西多姐旁種反師古曰

多音所廉反又先廉反姐音紫今西羌尚有此姓音

先冉反

五十三 嫌

減

音咸漢有減宣急就章有減罷軍師古注漢志曰減姓也音減省之減宣為中丞本字作咸

五十四 檻

掀

音檻元和姓纂曰胡感切今河內懷州多此氏

五十五 范

范

出自祁姓帝堯之後為陶唐氏裔孫劉累學擾龍以
事夏王孔甲賜氏曰御龍以更彭姓承韋之後劉累
遷於魯縣至商為承韋氏與大彭更伯諸侯商末國
於唐周成王滅唐以封大叔徙封唐氏於杜京兆杜
縣是也杜伯事周宣王無罪見殺其子奔晉生為字
子輿為晉士師以官為氏士為生成伯缺缺生武子
會為晉上卿佐文公襄公尊事天子為諸侯盟主又

滅赤狄有功王賜之黻冕使為晉太傅食邑於范因氏焉謂之范武子其地濮州范縣是也武子生范文子燮燮生宣子范匄匄生獻子范鞅字叔鞅生昭子及臯夷昭子名吉射臯夷側室子也又戎御大夫范無恤智伯滅范氏范氏子孫出奔他國三卿分晉范氏歸事魏魏相范痤即其後魏范睢避魏齊之難變姓名為張祿先生入秦為丞相應侯越相范蠡功成泛扁舟游五湖變姓名為鴟夷子陶朱公皆名重諸

侯後漢司隸校尉滂字孟博汝南人後徙居河內裔
孫履冰為唐宰相漢金鄉侯范式後居山陽博士升
叔之後居代郡南鄉舞陰范氏晉雒州刺史晷生穉
堅堅護軍長史生啓黃門侍郎穉生汪晉安北將軍
徐兗二州刺史二子康嗣爵寧字武子晉豫章太守
注春秋穀梁傳者寧二子泰宋車騎將軍宏之餘杭
令武興侯泰二子晏宋侍中曄宋左衛將軍太子詹
事謀反伏誅汪曾孫璩之宋中書侍郎生抗郢府叅

軍抗生雲梁侍中即明友後唐職方郎中李明又自
燉煌徙懷州又晉范宣陳留人范粲外黃人謹按左
傳楚大夫范山勸王收北方必子孫之奔他國者後
秦洗馬范勛後蜀李雄以西山范長生巖居穴處求
道養志將以國讓之長生不受拜丞相尊曰范賢又
加天地太師西山侯

范師

姓解曰姓苑有范師利方

欽定四庫全書

古今姓氏書辨證卷二十九 宋 鄧名世 撰

去聲

一送

貢

琅邪贛遂耆老大儒教授數萬人為太守門下掾拜起舒遲太守朱博出教主簿曰贛老生不習吏禮拜簿且教拜起閭習乃止博不喜諸生故也贛與貢同

弄

姓解曰吐蕃王姓唐太宗嘗以公主妻弄讚

痛

周穆王有嬖寵盛姬早死穆王哀之不已加禮葬之
改其族為痛氏

仲

出自子姓宋莊公子城字仲子生公孫師師生江為
宋司馬以王父字為仲氏所謂司馬仲江者江生幾

字子然為元公左師生佗字子服其族居衛者曰由
字子路為孔子弟子裔孫居樂安及中山後漢右扶
風仲光擊零昌唐王璠傳有學士仲無頗又魯東門
氏被逐立襄仲之子嬰齊為仲氏其後無聞元和姓
纂曰高辛氏才子仲熊仲堪之後為氏又仲虺為湯
左相其子孫氏焉二說皆誤蓋附會之過也宋兵部
侍郎天章閣待制仲簡字畏之揚州江都人

棟

出姓苑

洞沐

元和姓纂曰漢有洞沐孟陽治易

仲孫

出自姬姓魯桓公四子長子莊公同次曰慶父次叔
牙次季友慶父卒謚共仲生穆伯公孫敖敖生文伯
穀惠叔難穀生孟獻子蔑始以仲孫為氏蔑生莊子
仲孫速速生孝伯仲孫羯羯生僖子仲孫矍矍生懿

子仲孫何忌何忌生武伯洩一名彘自教至彘皆為
魯卿與叔孫氏季孫氏分掌國政謂之三家

仲叔

衛大夫仲叔于奚其先以王父字為氏于奚以救孫
良夫功為新築大夫賜曲垂之樂繁纓以朝裔孫圉
為靈公大夫能治賓客

仲熊

元和姓纂曰楚公族有仲熊氏謹按楚出自鬻熊之

後其君臣世以熊冠其名蓋姓芊而氏熊也故同姓之國亦有熊姓其臣亦以熊氏則熊氏即熊姓之別有字仲者宜為仲熊氏不然八愷仲熊之後亦宜有為氏者焉

仲顏

元和姓纂曰魯有大夫仲顏莊叔齊有大夫仲顏據謹按魯大夫二人一曰公巫召伯仲一曰顏莊叔今姓纂所取是以公巫召伯與仲顏莊叔為二人其說

亦可據

仲行

元和姓纂曰左傳秦三良仲行之後是也又云世本有仲行寅晉大夫有仲行氏誤矣春秋時秦仲行子車氏之子也中行寅荀氏之後也古字中與仲雖通用然晉之中行氏於官本對左右而為中秦之仲行氏於字本對伯季而為仲不可強合

二宋

宋

漢郊祀志有燕人宋無忌為秦始皇作仙方者其後
有楚懷王上將軍義封武信君生漢中尉衛將軍壯
武侯昌始居西河介休十二世孫晃晃三子恭恭弟
畿生榮國榮國曾孫丹後魏吏部尚書利人侯生紀
字仲烈紀生欽道北齊黃門侍郎生元節定州田曹
元節生宏竣大理丞宏竣生櫟陽令務本務本生衛
州司戶參軍元撫元撫生璟相明皇善守文以持天

下之正不求邊功天下謂之姚宋而剛正又過於崇
又有廣平宋素生叔夜叔夜生申錫字慶臣相文宗
生球慎微球生珣前秦寧朔將軍宋方後燕宋赤眉
殺司空慕容宙反伏誅前燕慕容廆以西河宋璆為
股肱又有右僕宋活平原宋該居樞要位黃門侍郎
宋回揚武將軍南涼涼州人宋鍾為姚弼內應誅又
材官將軍宋益

統萬

亦作吐萬代北人氏後改為萬氏

三用

雍

出自姑姓黃帝之後與南燕同祖商周之間有食采於雍者因以為氏春秋時宋雍糾為鄭祭仲贅壻其族雍廩為齊大夫至漢有雍齒封什邡侯自漢以來州名人氏皆音于用切惟楊億談苑云當作平聲乃音訛而為去聲也謹按姓書皆曰雍氏出自姬姓周

文王子雍伯之後以國為氏考其實不然春秋傳曰
宋雍氏女於鄭莊公曰雍姑又云宋雍氏有寵于宋
莊公杜氏注云雍氏姑姓宋大夫當時宋大夫以女
嫁諸侯如華子雍姑皆兼稱姓氏蓋宋二王之後國
大而史籍全備故記注無闕然則雍氏不出周文王
而出於黃帝不音去聲而音平聲無可疑者今從左
氏及談苑為正

俸

近世有此姓音平聲讀若豐

按廣韻俸上去二音無平聲今仍依入去聲

雍門

世本齊頃公生子夏勝以所居為雍門氏謹按春秋
雍門齊城門所謂焚雍門之萩也戰國策齊雍門周
以琴干孟嘗君說苑齊有雍門子狄

四絳

絳

元和姓纂曰絳縣老人之後邵氏解曰絳侯周勃之

後

五寘

被

呂氏春秋晉有大夫被瞻風俗通漢有大夫被通牂
牂太守被條邵氏引古今人表曰王倪之師被衣被
音披誤矣被衣非人且不音披乃莊子寓言不必引
為瞻通條三人之祖邵氏援古每不精詳如此類皆
合駁正

智

出自荀氏林父之弟荀首食邑于知謂之知莊子以
邑為氏生武子知瑩瑩生知朔知盈朔早死盈字伯
夙為卿是為知悼子生文子知躒躒生襄子荀瑶號
知伯又知起知徐吾皆其族瑶貪而愎為韓魏趙所
滅知氏遂亡其存者惟輔氏知亦作智

義渠

風俗通義渠狄國為秦所滅因氏焉漢有光祿大夫

義渠安國宣帝時使行覘諸羌

六至

摯

魏有摯仲治對曲水事者晉史曰虞字仲治

遂

漢綏和元年丞相司直琅邪遂義子貢為左馮翊此
遂氏名義而字子貢者

祕

漢表戴恭侯祕彭祖以擊陳豨功侯千一百戶生共

侯憚憚生夷侯安安

案漢書安作安國此脫國字

生安侯軫軫生

蒙蒙魯孫政陽乘公乘詔復其家

案漢書蒙孫陽陵大夫政詔復其家

此脫誤魯字亦疑衍

師古曰祕姓也讀如祕書之祕

餽

晉中行穆子圍鼓鼓之嗇夫餽間倫請降穆子不受

利

姓解曰楚公子食采於利其後氏焉今為蜀利州謹

按漢紀高祖六年利幾反上自將擊破之利幾者項羽將也羽敗為陳令降上侯之潁川上至雒陽舉通侯籍召之利幾恐反然則中山相乾之前已有幾特應劭未之思耳今補其闕又河南利氏

案魏志叱利氏改為利氏

冀

太原冀休光梁節度觀察留後弟休復梁觀察使光六世孫德榮宋有都官郎中冀榮膺司理參軍冀式進士出身冀隨

貳

今望出河東

懿

春秋襄二十六年諸侯疆戚田取衛西鄙懿氏六十
以與孫氏杜預曰戚城西北五十里有懿城因姓以

名城然則懿氏仕衛乃其先公族以為氏者故懿氏

卜妻陳敬仲

案懿氏卜妻敬仲杜注陳大夫也此上言仕衛者或別為一族則可今竟以懿

氏卜妻敬仲為衛臣未詳所本

秦錄姚泓有吏部郎懿橫風俗通云

齊懿公後誤矣懿公桓公子桓公時已有懿氏

駟

出自姬姓鄭穆公子駢字子駟生夏字子西夏生帶
及乞帶字子上乞字子瑕始以王父字為駟氏帶生
偃字子游乞生欵字子然欵生宏字子般又有黑字
子皙及駟奉

季

出自姬姓魯桓公允夫人文姜方娠卜人謁之曰生

有嘉聞其名曰友間于兩社為公室輔季氏亡則魯
不昌及生男有文在其手曰友遂以名之而字季其
後季友有大功于魯受費以為上卿魯人謂之季子
卒謚成季生文子行父始以字為季孫亦曰季氏文
子生武子季孫宿宿生悼子季孫紇紇生平子季孫
意如意如生桓子季孫斯斯生康子季孫肥肥魯孫
曰昭子強自文子武子世執魯政為上卿故季氏為
強家其族曰公若公鳥公亥公冶公思展魴侯子言

及公鳥之子甲皆季氏春秋時隨有季梁楚有季然
或出季孫而梁乃名字並行非氏也陸終六子其季
曰連為芊氏而一人為季氏南唐有節度使季童廬
陵人

自

謹按漢百官公卿表元初元年郎中令自為更為光
祿勳此即自氏名為者姓苑有此氏而未詳今增修
利孫

晉大夫公孫食邑於利因為利孫氏漢東萊太守任
康娶利孫氏女

利作

英賢傳後漢安樂任叙娶同郡利作氏女

棄疾

出自芊姓楚平王初名棄疾即位改名熊居子孫以
為氏悼王時棄疾休為右師

季孫

出自姬姓魯公子友之後為季孫氏後去孫稱季氏
季連

元和姓纂曰晉有堂邑大夫季連齊出自陸終第六
子季連之後

季瓜

世本云周八士季騶之後為氏騶或作瓜晉有祁邑
大夫季瓜忽

季老

世本宋華氏有華季老其子氏焉

地連

廣韻曰後魏虜複姓有地連氏

地倫

傳餘顧複姓錄云代北人姓

自死獨膊

代北人四字姓

七志

寺

古寺人之後

異

唐温州金州蠻多異氏

忌

風俗通周公忌父之後以王父字為氏

寺人

元和姓纂曰宋寺人惠墻伊戾後誤矣伊戾姓惠墻

春秋時晉有寺人披一名勃鞞字伯楚齊寺人貂寺人瘠環宋寺人羅寺人柳皆以官與名見豈伊戾獨為得姓之始大抵寺人皆自有姓氏不過如今養子而冒其姓爾春秋已來無寺人氏今駁去

食其

漢廣野君酈食其玄孫賜以食其為氏曾孫武為侍中始改為侍其

八未

緯

出姓苑

魏

出自姬姓周文王子畢公高封於畢裔孫畢萬事晉
受魏為大夫河中河西縣是也因以邑為氏萬生芒
季芒季生武子犂犂生悼子及錡顥悼子生莊子絳
絳生羸羸生獻子舒舒生襄子戊戌兄子侈字曼多
生桓子代為晉

按唐世系表晉作貴

卿其族魏壽餘皆為大夫

桓子孫文侯斯始列為諸侯斯生武侯擊擊生惠王
瑩瑩生襄王赫赫生哀王均均生恢恢二子伯倫彥
彥字叔倫張掖太守生歆字子胡鉅鹿太守初居太
曲陽二子愉悅愉字彥長侍中生宙字惠開平原太
守生紹魯孫宣北海公孫統二子儔為東祖植為西
祖儔孫藪三子儵生元同字和初相唐武后五子愔
著作郎慆御史主簿恬鄭州刺史確司議郎皆至魯
孫有世系館陶魏氏漢兖州刺史衡魯孫珉始居館

陶為魏州曲城人珉孫彥字惠卿後魏光州刺史生

釗字顯義義陽太守生伯裔

按唐世系表伯裔作伯允

長賢長賢

北齊屯留令生徵字玄成相唐太宗侍中鄭文貞公

四子叔玉叔瑜叔琬叔璘叔玉光祿少卿及其子膺

皆襲封叔璘禮部侍郎叔瑜豫州刺史生華禮部侍

郎武陽男華與薛稷俱傳其父筆意世稱善書者前

有虞褚後有薛魏生某

按唐世系表某字應作瞻字

駕部郎中叔

璘生汝陽令因

按唐世系表因作殷

因生監察御史明明生陵

臺令馮猷

按唐世系表馮猷作馮憲

馮猷生暮字申之相宣宗門

下侍郎平章事暮生潛字蘊華滂字進禹潛生教宋

城魏氏與館陶同祖有元忠舊名真宰相武后中宗

謂之魏齊公生太僕少卿昇及晃鹿城魏氏亦與館

陶同祖有知古及盈知古相明皇五子詰延安太守懿

陽安太守林朔州刺史珏鴻臚少卿曜贊善大夫盈

生昌昌生扶字相之相宣宗扶生箴字守之刑部侍

郎清河魏氏漢魏無知魯孫謨為清河太守始居焉

任城魏氏無知魯孫不害生漢任城太守舍又居任城宜陽魏氏東郡魏氏出自鉅鹿

費

出自顯帝之後女華生大費佐舜調馴鳥獸舜賜之嬴姓其子若為費氏其玄孫曰費昌當夏之季去桀歸商為湯御以敗桀於鳴條蜀譜云益州諸費有名位者多唐黃巢有偽樞密使費傳古姓纂云費出如姓禹後未知何據後漢隄為人費貽漆身佯狂不事

公孫述

尉

出自古討姦之官曰尉氏鄭尉氏獨以其官為族春秋時鄭有尉止生翩漢地理志陳留尉氏縣應劭曰古獄官曰尉氏鄭之別獄也瓚曰鄭大夫尉氏之邑故遂以為邑師古曰鄭大夫尉氏亦以掌獄之官故為族耳應說是也或曰尉音鬱誤矣今京師開封府尉氏縣即當時之地安得音鬱後涼有寧遠將軍金

城太守尉祐南涼有撫軍從事中郎尉肅又倂檀將尉賢政固守浩亶不降熾磐

眈

纂文要曰古氣字

魏強

元和姓纂曰魏武子支孫莊子快生強為魏強氏
費連

官氏志後魏費連氏改為費氏望出河南

費聽

唐党頊以姓為部有費聽氏

